

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

Khutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

BONNE ANNÉE 2018

05 Janvier 2018

(17 Rabi'ul Aakhir 1439 AH)

Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor: « *Pas ena aucaine Contrainte dans la Religion.* »

لَا إِكْرَاهَ فِي الدِّينِ قَدْ تَبَيَّنَ الرُّشْدُ مِنَ الْغَيِّ فَمَنْ يَكْفُرْ
بِالطَّغُوتِ وَيُؤْمِنْ بِاللَّهِ فَقَدِ اسْتَمْسَكَ بِالْعُرْوَةِ الْوُثْقَى لَا
أَنْفِصَامَ لَهَا وَاللَّهُ سَمِيعٌ عَلِيمٌ

Laa Ikraaha fid deeni qat tabiyanar rushdu minal ghayy; famai yakfur bit Taaghuuti wa yu'mim billaahi faqadis tamsaka bil'urwatil wusqaa lan fisaama lahaa; wallaahu Samii'un 'Aliim.

Pas bizin force personne dans la religion. Bon chemin fine fini rendre clair, en comparaison avec l'erreur. Celui alors ki rejette idoles, et gagne la foi en Allah, li tenir couma dire ene la manche bien solide, ki pas pou craquer. Allah écoute et conne tout. (Al-Baqara 2: 257).

La majorité de bane Mullahs de bane les autres sectes musulmans depuis des années fine affirmé à tort ki à l'époque du Mahdi, bane dimounes pour être forcé pou accepter l'islam. Allah (twa) dire: **Pas ena aucaine contrainte dans la religion.**

À ene moment donné, bane chrétiens ti force bane dimounes pou accepter le christianisme - Mais l'islam fine dès le départ opposé à l'usage de la force. La force servi par bane ki pas ena bane signes célestes (en zot support). Aucaine prophète pas fine accompli autant de miracles ki nous Saint Prophète Muhammad (saws). Bane miracles de bane prophètes précédents fine morts avec zot mais bane miracles de nous Prophète (saws) contigné manifester encore azordi jours et pou contigner manifester jusqu'à la fin des temps. Tout (signes) saki manifester dans mo support zot bane miracles du Saint Prophète (saws). Eski ena bane défenseurs de bane les autres religions ki capave montrer bane signes similaires? En effet non; Peut importe commié zéffore zot capave faire dans sa direction là, zot pas pou capave montrer ene sel signe, parski zot bane dieux artificiels, fausses; zot pas pé suivre Vrai Bondié. L'islam li ene l'océan de bane miracles; zamais li fine servi la force. Li pas même bizin support de la force aussi pou propager de toute façon!

Sa blâme ki l'islam permette servi la force pou faire dimounes rentre dans la religion li donc fausse. Ene l'étude attentive du Saint Coran, de bane Hadiths et de l'histoire pou établir sans aucaine doute ki sa accusation contre l'islam là li totalement infondée et c'est zis bane ti l'esprit, bane ki ena préjugé et bane fanatiques ki rénié bane l'enseignements de l'islam, ki rénié tout bane preuves claires en faveur de l'islam comme ene la religion sans contrainte, ki préfère passe l'islam couma ene religion ki servi la force pou faire dimounes accepter li. Le moment pé toutefois approcher kot bane chercheurs de vérité pou convaincus de l'absence de fondement de bane telles accusations. Couma ene telle accusation capave être dirigée contre ene la foi ki so Livre Sacré, ki so l'Écriture dire clairement et sans équivoque: **Faudé pas servi la force contre personne pou faire zot rentre dans la religion?** Eski kikaine capave alors incrimine sa grand prophète ki, pendant treize ans de persécution acharné et incessant à la Mecque, fine continuellement et constamment exhorte so bane disciples pou reste fermes et pou pas oppose zot à la persécution par la force?

Enfin, quand le mal de l'ennemi fine dépasse tous bane limites et ki tous bane tribus fine marié-piqué ensam pour détruire l'islam par la force, l'indignation divine (la colère divine) fine décrété ki bane ki fine prend l'épée (pou exterminer l'islam et

bane musulmans) pou bizin mort par l'épée même, bane ki pou vine touye ene musulman pou gagne touyé à so tour. Si arriver l'islam ti permette l'usage de la force pour so propagation, alors bane compagnons du Saint Prophète Muhammad (saws) ki ti converti à l'islam, ki faussement accusé ki li fine être propagé par la force, (alors sa bane compagnons là) pas ti pou prouve la sincérité de zot la foi en offrant zot la vie en tant ki bane croyants vrais et sincères, saki zot ti été en réalité (c'est-à-dire, bane croyants ki ti vrais envers vrai la foi et ki ti sincère dès ki zot fine attrape fort la corde de l'islam et vrai la foi). C'est ene fait si bien établi ki na pas bizin kit les autres affirmation de sa. Zot fine attesté zot la foi avec ene telle constance ki li pou difficile pou égaliser dans l'histoire et l'archive de bane les autres nations/ religions. Zot fine comporte zot avec ene telle persévérance et ene telle force (courage) dans l'ombre de bane l'épées ki seule la lumière de la foi ti capave donne zot sa. C'est zis la lumière de la foi ti capave donne zot ene telle courage et persévérance.

Aucaine vrai musulman jamais fine croire ki l'islam bizin servi l'épée ou fine servi l'épée pou propager. L'islam fine toujours propagé par so bane excellences internes, bane tels excellences ki trouve à l'intérieur même de l'islam, de so bane l'enseignements, de so façon d'être couma Allah fine ordonner. Bane ki croire ki l'islam bizin être propager par l'épée, zot en toute évidence pas convaincu de so bane mérites internes et sa bane dimounes là zot l'attitude couma bane zaimo sauvages. C'est ene pure ignorance de la part de certains soi-disant théologiens pou affirmer ki le Saint Prophète (saws) fine prend l'épée pour convertir bane dimounes à l'islam par la force. La même chose appliquer à certains missionnaires chrétiens ki ena sa même point de vue là. Pas ena ene plus grand l'injustice et fausseté ki pou accuse ene la foi, ene religion d'ene telle calomnie/ blâme, surtout sa religion (en l'occurrence, l'islam) ki so commandement première c'est: **Pas bizin force personne dans la religion.**

Bane la guerres du Saint Prophète Muhammad (saws) et de so bane compagnons fine être mené pour défende zot contre l'agression de zot bane l'ennemis, ou pour établir la paix en repoussant par l'épée bane ki employe l'épée pour empêche bane dimounes pou croire.

Quran affirmé à plusieurs reprises ki pas capave ena kit contrainte en matière de religion et ki li clair ki le Saint Prophète (saws) pas fine prend z'arme, pas fine combatte ou la guerre pou force bane dimounes pou vine Musulmans. Li ti pé la guerre, soit pour puni bane ki ti touye ene grand nombre de bane musulmans et ki

ti expulsé certains d'entre sa bane musulmans là de zot foyers, pareil couma le Saint Coran fine affirmer: **Bane ki dimounes attaque zot, gagne permission pou la guerre, parski zot fine subir ene tort. Allah ena tout capacité pou aide zot.** (Al-Hajj 22: 40); ou sois li ti pé la guerre pour défendre contre ene agression ouverte, ou pour établir la liberté de conscience kot alors li servi la force contre bane dimounes ki ti pé empêche bane les autres dimounes pou croire dans vrai la foi. Li ti pé faire tout sa là parski sa bane mauvais dimounes là ti pé fer le tout pour le tout pou persécute bane ki croire mais pas encore franchi le pas de l'Islam. Zot ti pé empêche bane dimounes pou reconnaite la vérité. Alors le Saint Prophète (saws) fine la guerre pou établir la liberté de conscience, kot sakaine ena le droit pou accepter la foi ki li envie, et alors certainement en aucaine façon li fine force bane dimounes pou accepter l'Islam. Kan l'Islam ti gagne la victoire, sous l'égide de l'Islam, sakaine ti ena le droit pou pratique so la foi en paix.

Bane Mullahs azordi jours lire sa verset du Saint Coran là et zot affirmer ki sa verset ki dire ki faudé pas servi la force pou fer dimounes accepter l'Islam li vrai, mais malheureusement, zot faire sourdre et aveugle et zot faire le contraire de saki zot reconnaite comme étant la vérité et zot insister ki zot version du Mahdi pou faire so l'apparition avec l'épée en main et ki sa Mahdi sanguinaire là pas pou complètement satisfait tant ki tous bane non-musulmans pas pou accepter l'Islam.

Pas bizin force personne dans la religion. Bon chemin fine fini rendre clair, en comparaison avec l'égarément. Donc, faudé pas servi la force. Li bien dommage ki en dépit d'ene exposition aussi claire dans le Quran ki aucaine contrainte pas permette dans l'Islam pou faire dimounes accepter sa religion là, malgré sa, bane ki zot les cœurs rempli d'injustice, et de la haine persister pou accuse la parole d'Allah ki Li fine permette servi la force pou faire dimounes rentre dans la religion.

Bizin au contraire ena la liberté de religion. Allah (twa) fine dire: **Pas ena aucaine contrainte en matière de religion.** Si nous bien guetter, pas ena ene telle directive dans la Bible. Alors ki fine conduire zot pou la guerre? Si la directive de base ti pou la guerre, alors bane treize l'années du ministère du Saint Prophète Muhammad (saws) à La Mecque ti pou en vain, parski li pas fine servi l'épée immédiatement. La vérité, toutefois, c'est ki le combat ti permette à cause bane torts et l'oppression ki fine perpétrer (contre bane innocents). **L'ordre ki ti recevoir pas fine dire:** Le temps pou prend l'épée fine vini, astaire là converti bane dimounes à l'Islam par l'épée. **Directive ki ti gagner ti:** Zot fine endure toutes sortes kalité atrocités, astaire là,

oppose l'épée par l'épée. Tout bane système de droit autorise la légitime défense à ene dimoune ki pé subir bane torts.

Ki Allah (swt) béni zot tous pour comprend sa premier et très important Khutba Jummah de l'année 2018, ki marque également dix-sept ans depuis nous expulsion du *Nizam-e-Jamaat* Ahmadiyya, et c'était le Vendredi 5 janvier 2001 même, dans bane Khutba Jummahs ki fine faire à travers nous ti l'île Maurice, ki bane ki ti à la tête du Jamaat (l'Association Musulmane Ahmadiyya) à Maurice fine mange nous la chair avec l'appétit, sans tenir compte de l'essence même de bane l'enseignements de l'Islam. Ki nous fine faire alors? Nous fine prend nous mal en patience et fine prêche bane bons l'enseignements de l'Islam pendant tous sa bane l'années là, en invite zot pou réforme zot-mêmes pour ki zot réfléchir le vrai Islam. Dix-sept ans ki fine passé et ki pas pou révini zamais.

Par la grâce d'Allah, couma Allah fine promette à sa humble serviteur et calife d'Allah, le Jamaat Ul Sahih Al Islam pé répanne dans le monde et bane ki pé comploté pou teigne la lumière d'Allah pou mort par zot propre souffle (ou tout les autres plans ou moyens ki zot servi) sauf bane ki repenté et réformer. Ki Allah béni tous mo bane disciples sincères dans le monde entier, bane ki, dans bane moments de douleurs et de bonheur, contre vents et marrées fine toujours prête main-forte à Allah et à So Messenger et fine sacrifier tout pour la cause d'Allah et pou gagne le plaisir d'Allah. Ki Allah récompense zot généreusement dans sa la vie ici-bas là et dans la vie futur et ki Allah faire nous marche de succès en succès avec humilité, sincérité, honnêteté et la foi véritable - ene telle la foi ki capave déplace bane montagnes - pour conquérir nous plus grand trésor: **Allah et So l'amour extraordinaire et bien doux pour nous tous.** *Insha-Allah, Ameen.*